

MINISTRI NYO PO MASOMO

MINISTRY OF EDUCATION

PRAIMAR SKUL

TATAA NG'ALA KUTUWACH

KOPO AKONG'A

KITAPU KONETIN

POROWO, 2023

INSTITUT NYO PO NG'ALA KIKIRATA MASOMO

© KENYA INSTITUTE OF CURRICULUM DEVELOPMENT

Kikirip ng'ala kitapunete. Memucho nyee kewayak, keto ng'ala kitapunate ompo or nyo kightoy ng'at ompo kompyuten, krekodun, onto ro ako nyoni kuny.

First Published 2023

© Kenya Institute of Curriculum Development

ISBN NO 978-9914-43-242-8

Published and printed by

Kenya Institute of Curriculum Development

P. O. Box 30231-00100

NAIROBI-KENYA

Telephone: (020) 3749900-9, 3747994

Fax: 254 (020) 3639130

E-mail: info@kicd.ac.ke.

FOREWORD

The Kenya Institute of Curriculum Development (KICD) is mandated to advise the Government of Kenya (GoK) on matters pertaining to curriculum development. One of KICD's specific functions is to develop, review and approve programmes, curricula and curriculum support materials that meet international standards for all levels of education, below the University.

In this context, the GoK adopted the Competency Based Curriculum (CBC) which was conceptualised and developed by KICD whose implementation started in 2019 with the Early Years of Education (Pre-Primary school and Lower Primary). The first cohort of CBC learners are currently at Grade 7 of Juniors School. The CBC vision is to produce engaged, empowered and ethical citizens with emphasis on nurturing every learner's potential. The Curriculum aims at developing seven key competencies through various learning areas at all levels. These include: Communication and collaboration, creativity and imagination, critical thinking and problem solving, citizenship, self-efficacy, learning to learn and digital literacy.

In the CBC, one of the learning areas that has been given prominence in the Early Years of learning is Indigenous Language (IL) as an important step in nurturing learners' communication and collaborative skills within their social-cultural contexts as provided for in the Kenyan goals of Education. This effort is also in tandem with the Language in Education Policy which stipulates that the medium of instruction in Early Years Education (EYE) should be the learner's first language. Accordingly, KICD has developed a *Learner's Book* and *Teachers' Guide* for Grade 1 learners in a number of indigenous languages in Kenya. The Learner's books are intended to facilitate systematic learning of listening, speaking, reading and writing skills in the target language. The Teachers Guide should be used alongside the learner's book for and is intended to provide a set of methods, techniques, suggested experiences and resources that will facilitate learning and make it interesting for learners at this level.

On behalf of the KICD Council, Management and Staff, I wish to most sincerely thank everyone who contributed to the writing of this Teacher's

Guide in one way or the other. Indeed, the guide is a testament of your invaluable sacrifice. A lot of appreciation also goes to the Development partners who contributed to the funding of the programme that made the writing and distribution process possible; in particular, the World Bank thorough the Kenya Primary Education Equity in Learning Programme (KPEELP. Ultimately, we are grateful to the Principal Secretary, State Department for Basic Education and the Cabinet Secretary for Education for their invaluable guidance and support to the Institute.

ii



Prof Charles Ong'ondo PhD., MBS.
DIRECTOR/ CHIEF EXECUTIVE OFFICER
KENYA INSTITUTE OF CURRICULUM DEVELOPMENT

NG'AL CHO MI KITAPUNU.

kiku tat ng'ala kutuw kurupategha kegh nko kirurut cho po Kenya, mochut cho po kisomonot, mechut cho po Kenya nko ng'orut cho po ighisyewut cho rokono kwichisyo cho po kiletat ompo ng'wuny. Polisiin nyopo ng'ala kutuw ompo kisomonot nyo po Kenya kumwohoy lo kineto monung cho po korun cho po tagh ompo skul. Kineto ng'ala kutuw le (EYE), akegh le kisomonot nyo kiloy monug'o. Po kinyiwut nyoman kusowu monung'o kutii nete tokusowo kung'alan nyo karam.

Tatataa kitapu nete kwighoy monung kusowu keter, keng'alan, kesomon nko kekkir ng'al. kikisat kitapunu po konetin to kung'arach monung kunyuru kisomonot cho po ng'alana nyo rokono aku ng'arach akwane kusowu tukun cho chang cho lenye ng'ala mochuut chopo kasiin chini mochoy kwighoy akwane konyiis cho punu.

Kupoghisyeghokitapununko nyopo monung. Kakigha ghomucho takenyoru kitapunete. Okonunan soro nyoman ompo kikiru cho po kitapunete ompo ng'oghomyeng'wa.

Prof. Charles Ong'ondo PhD, MBS
DIRECTOR/CHIEF EXECUTIVE OFFICER
KENYA INSTITUTE OF CURRICULUM DEVELOPMENT

NG'AL CHO MI KITAPUNU

Foreword.....	iii
Ng'al Cho Mi Kitapunu.	v
Tounot	vii
Motut Nyo Wow : Kaw	1
Motut Nyo Wow: Skultonyan	5
Motut Nyo Wow Nyopo Somok: Otop Nyo Karam	10
Motut Nyo Wow Nyo Po Ang'wan : Tililin.....	13
Motut Nyo Wow Nyo Po Mut: Osis Nko Oroo	18
List of Contributors	25

TOUNOT

Kitapu konetin nyopo ng'ala Pokot kung'orochoy totuut nko kitapu monung nyopo kopo akong'a. Kikikir kitapun takung'arach monung aku kinetut ko kutang ortun cho kupoghisyegho keneta monung tokusowu nga'l. Sowu monung'o chane kusomono otino ighoy ighishewut cho sisincho otino suwuyi akwane tukun cho mi kaw nko school. Kiku sat nyu Sowinton cho po tukun cho mitoni aku suwuyi monug'o takung'arach monung kusomon. Ng'ala Pokot cho kiku poghisyegho ompo yete kutoni monung owesyo kusowu ng'al cho relach aku poghisyegho kukir akusomon nyo karam takung'arach mochut chopo kitapunu po kopo akong'a.

KEPOGHISYEGHO KITAPU MONUNG NKO NYO PO KONETU NYO PO KOPO AKONG'A

Kitapunu po ng'ala kutuw nyo po tagh kutung'eto motowoy cho mungech cho le taman nko odeny. Motut nyo munung kutung'eto ortun ang'wan tersyo(keter akemwa), Keng'alan (tera aimwagh), kesomon (kesomono) nko kekir (kekira). Ng'al lowur cho mi kitapunu kuporu kutuw nko ng'al cho relach ompo motowoy cho wechon. Kinetut cho mitoni yii kurupotegho kegh nko poghisyewut chopo ng'at nko ng'at ompo sponwecho. Ighisyewut kurupoy nyu kirurut cho roko kusowu monung'o ompo kesomon. Ompo soromu, roko monung kusowu kung'alan nyo karam nko pich cho sisincho ompo kuti nete.

Tera aimwagh

Ng'orochoy kisomonoto nyo po yii kusowu monung ng'al cho chang ompo cho po kutinete. Kikumokchu kuporchu monung kuter ng'al aku ng'alan nyo karam. Karam nyu kesowu lo ato net kegh monung ng'at nko ng'at keter kung'orochoy akwane kunyoru owesyo nyo teroy ng'al la siny aku sowu ng'al nyopo keter nko kesuwa. Kiporu ng'al cho ng'olono satataa kuti nete ompo ortune chu; lokoy cho tong'oghoch, poyemtin, tumwoy nko raimtin takwigh kesomonon kutinu kuluku nyo ng'orokchini. Ketasa, ng'orochoy kesowu kuti nete ompo ng'al cho mi kor.

Keng'alan

Ompo motu munung, weroy monung'o nga'l cho ng'orochoy akwane kumuch kung'alan nyo pai pai aku mwa ng'al ompo oor nyo rokono. King'orochoy monung

kumwa ompo kuut nyo ng'ang'aat nko ng'uny otino kung'olonoy. Kitoni monung ortun cho sisincho tokusowu ng'al cho relach ompo kisomonot. Tukun cho kinetutoy nko ortun cho kinetoy tukul kuroko keporchu lasiiny to kung'arach kusowu kung'alan aku sowu tukun nko ng'al cho relach. Motete tukul kumi ng'ala kumusteghogh pa ng'al, kegh akon'a nko akong'a, lokoy, poyemtin, raimtin cho ng'orochoy monung kwicha ighisyewut akukir ng'al cho sisincho.

Kesomono

Kesomon kung'orochoy monung kusowu ng'al cho relach nko wolo kitopto kikirut chopo kuti nu. Kesomon ompo sauti nyo mi yim kwighoy monung kusowu wolo somontoy kong'otikwa. Mut nko mut chirerochitu moonun'o ompo ng'ala Pokot. Kikirut cho mi kitapu nete tung'eto ighishewut cho ng'orochoy kesuwu owesho monung nko wono ruptegho kesomon. Miteno ompo motete poyemtino, tumwoi, nko raimtin chopo monung.

Kekira

motete po kisomonot kuporchini monung kekir ng'al cho kwis kwis. Kekirisho kung'orochoy monung kekir lasiny nyukuten cho poroy yim nko cho rosoy ng'wuny, keyigha mono ng'al akekir ng'al. Rokono konetin kuporchu monung kukir le wono mokchino. Ighoy motete monung kusowu kunyighit ng'al cho mi pasol, kwigh aku kir ng'al king'eta chino nkut, takwit ng'al cho mi parak. Kitapunu po konetin kung'orochoy tokemwochu monung kukir nyo satat. Kukuloy ng'al chokinetoy monung kusowu kekir nyo pichigh le keporoy kikirut, ketuyo nyukuten, keporoy nyuken nko ng'al walak.

WOLO KIDOY MONUNG CHO LE KASUNKWALAK

Atotung'eto klas ta ng'u kasunkwalak, ghomoy kesuwa lo mi kusomonoy nyo karam. Lo ne?

Keter

Ato mi monung'o cho le kusunkwalak cho mo lumoy nyee onto molumoy nyee, rokono igha kinetut chopo kasunkwal tokusowu.

Keng'alan

Ato mitoni monung’o cho le lokukun klas, imuchenyo igha masomo nyo po achane kegh. Mucho macham nye kegh akwane. Ato lenye nyoni, ito akwane mukulow kusomon. Igha akwane kutuyo kegh nko kong’otikwa tokusomonto akong’a. Mwochino monung kung’alan puryo kiwayat. Mesholchi monung cho le kakwalan wolo chama akwane ata kamwa ng’al morokononye.

Kesomo

Ato mi monung’o cho memuchoy nye kusomon las siny ompo klas, igha totut cho kiroso mochut po monechoni. Mwochino kutipisyo klas wole tagh aiyigh kadin cho wechon cho somono akwane.

Kekir

Tomonye tung’eto monung’eku owesyo nyo kunomoy kalamu lasiny (saikomota). Memwochu knam pensol ompo or akong’a nyo le nyeng’u, wolo chama kwich ompo ortunekwa. Kanya kukir mut nko mut saa anka nko anka tokusowu. Chono motung nye owesyo nyo po kikirat, totchino wolo kinetutoy akwane. Petoy kwichoy ngo yiyikwaa to kusuk poroyin nyo ngorokoy akwane yiyikwaa

MOTUT NYO WOW : KAW

Tounot

Ng'olono motete ng'ala kaw. muchini mombo skul kumwowu tukun cho mitoni kaw akusowu takwess nko kuyoku takwess, kerup kirurut akunetkegh nyukuteni pokot.

Tukun cho kinetutoi

Kadin cho kikichoronchu tukun nko kyak cho mi kaw.

Tukun cho mi skul katapu, kalamun, mesen, ng'ocher, kompyuten)

Tukun cho kigho mono. (mono nyo po sunta, mono nyopo kuchampa, nko walak.)

Kalamuna rangin.

N. B; Tasa tukun walaka cho rokono

Satat tomo kenetisyo

Igha kadin cho mi pichenu chopo kyak nko tukun walaka cho mitoni kaw.

A. Tera aimwagh

Kotenonenyi lo mwowune monung'o.

Torelto soromu motut nyo wow, roko mombo skul kusowu ng'alechu:

- a) takwess nko molyong'unot.
- b) kutakwess pich le otino rokono.
- c) Ketum tumwoy akerekodin.

Ighat 1: Tera tum. Tumo.

Tumo tum nyo po takwess.

Korkeyun,

Yoo yoo,

Otekwesan yoo yoo,

Kinyughu nyi koromyo,

Mitenyi nko echotion .

Takwes nyoman.

Tumoy konetin tumini ompo kutinyi akumwochi monung kulim.

Muchoy konetin kuwayak kaynanu le yoo, kuluku kayna monung chomi klass. Tumo chane tumini akutokwesoy kegh ompo klass.

Poru nee: -Sowinton nyete nyopo chomyogh.
-konyit.

Ighat 2: Tera aimwagh takwess.

Somonoy konetin takwestin kulumoy monung'o.

Ighat 3: Kimustogh.

Mwochini konetin monung kumusto takwestin chopo pich cho ghechon nko monung akuporuu takwestin chopo tokwogho, poghet kwen nko oghe.

Korkeyun;

- Werii nyo tokwesoy cheptong'waa.
- Chepto nyo tokesoy yonyii.
- Werii nyo tokwesoy kokotanyii.

Poru nee: Yang'at.

Ighat 4: Ighishewut walaka

Poru nee chopo PCI nko otoput: Rokono kumwochu yiyin monechi wolo kitokwestoy pich cho sisincho ompo konyit.

-Keripkegh tomokitakwess pitch chomokinkut nyee.

Keng'alana

Ighat 1: Rosa pichen. Isuwuyenyi nee?

- a) Porchini konetin monung pichen cho po tukwun cho rumunoy kaw.
- b) Korkeyin: Kompa, mpalaw, poroy, pranketu, mesa, ng'achar.
- c) Rosoy monung'o pichen akumwowu lo nee tukuchini.

Ighat 2: Somonoy konetin lokoy. Tera lokoy.

King'et yoo tokwogho akunapkegh akuwo parenyii. Otino tokuwo, kimwochu monung'echi lo ayam panteng'wo nyomi korop, apa oromu poghecho ato lapay orip moghechoo.

Kira lokoyon nyo po ketoto kirurut nyo mi kitapu monung. Ghomoy lokoyonte kutong'oghit.

Tomo kesomon

Ng'orochoy konetin monung kuros kichoronut lasiny.
Tepoy konetin monung kumwa lo kasuwa nee ompo kichoronut.

Keter

Somonoy konetin lokoyon kumi kuteroy monung'o.

Otino kikelum lokoyon

Otino kiketer lokoyon, tepoy konetin teput monung, cho lenye;
Kechamanyii lokoyonte? Ompo nee?

Ighat 3: Tera kong'otiku. Ighe lenyino mwoghoy achane.

Mwochini konetin moning kumusto odeny odeny

Onto keng'alan nko kegha ngál akongá kung'orokoy monung kwigha ng'al akongá

Asesmen

Toteno ng'onyon po ng'lonut aiyar kugh nyo iyightoneni tokuporu lo kegh lo ne monungó ngál.

Ompo korkeyun;

Tono monung cho sisincho kumusto takwes nyo po pich cho sisincho.

B. Kesomon

Ighat 1

Mwochini konetinto monung kunonu tukwun chole somok cho mi kaw.

Ighat 2

Porchino konetin monung kadin, kasetin, pichen, chomi tukwun nko kayak.

C. Kekira

Ighat 1: Tomo kekir

Tepoy konetin monung kuros nyukuten (a e i o u) cho mi kitapunekwa.

Choronoy konetin nyuken (a e i o u) ompo yim.

Choronoy monung'o nyukuten (a e i o u) ompo yim.

Ighat 2

-Ng'orokoy konetin monung kwigha nyukuten (a e i o u) mono.

-Ng'orokoy konetin kukir poweletin (a e i o u) ompo kompyuta.

Ighat 3: Nyurena rankin nyukuten

Toni konetin monung kunyura rankin nyukuten.

Poru nee; Tekata ng'alanat nko ghamtai nyopo tukwun.

MOTUT NYO WOW: SKULTONYAN

Kitorot

‘Skultonyan’ ku motut akong’a nyo wow ompo masomo kopo akong’a ompo ng’ala Pokot. Kikusat ompo strantin cho mungech cho le ang’wan.

- a) Keter akemwa.
- b) Keng’alana.
- c) Kesomono.
- d) Kekira.

Ng’al cho mi yoporo yi, ku ng’orochoy konetin kuneta monung.

A. Keter akemwa

Tukun cho roko kenetuta.

- Kadin.
- Mloto ng’al.
- Kompyuten.
- Pichen.

Assesmen cho rokono

- Rosoi konetinto monung toyighoi ng’alekwa ompo sopuch onto odeny odeny.
- Roko kutung konetin cheklistinyi nyo rosoy monung lo kemuk kusomon nyukuten nko ng’olionte losiny.

Ighat nyopo tagh: Tomo keter

Ompo yete netoy konetin silapotin cho le rayis (odeny odeny) kurupategha kegh nko ng’ala Pokot. Silapin ng’olono ng’ala kule.

Ighat nyopo odeny.

Topusyo monung’o ompo odeny odeny oto yighoy ng’alechete. Tekoy nyoni ng’alanat nko ghomcho nyo karam.

Ng’orokoy konetinto monung kusomon ku akong’a kong’a kelumoy Ng’orokoy nyoni konyut nko otop nyo karam.

Ighat nyopo somok.

Topusyo monung’o odeny odeny akwigh ng’al kung’orokoy konetin.

King’orokoy monung kutuyo silapin cho korokey.akemwochi kumwa ng’alekwa

chino ketuyo ompo ghomcho .

B. Keng'alana

Tukun choroko kenetuta

- Kadin cho rumuno woni kisomono.
- Mlaa Kadin.
- Kompyuten.
- Pichen.

Assessmen cho rokono

- Teput cho ng'orokoy konetin monung kutep kegh akwane.
- Rosoi konetin monung otini mi kusomonoy.
- Rubrik nyo po assessment

KAIN	IGHISHEWUT CHO KATUL	IGHISHEWUT CHOPO KWEN	IGHISHEWUT CHO RIKOY KWEN	IGHISHEWUT CHOPO NGW'UNY
Pkorir	(tikuno)			
Chenang'at		(tikuno)		

Ighat nyopo tagh.

Ng'aracha monung kuros pichen cho mi kitapunekwa.

Tepa chane kiyino mi mwochini konetin Krop. *Korkeyin*: ghyong'o.

Ngaracha monung kumwa lo ompo nee to kukonyit Ptoo konetin.

Ighat nopo odeny.

Ompo ighishewut kochu, rokono tono nyi monung kirurut cho kwis kwis. *Korkeyin*; misa plakpot, takwesa kong'eng'u, topeno ng'wuny, ayata kitapunekwo.

Poru nee; yang'at, nyakanat.

Ighat nypo somok

King'orochoy monung kuros pichen cho mi kitapunekwa.

King'orochoy tukwul monung'e kucheng kadi cho mi ng'alaa kirurut. *Korkeyin*; nyono yii, cheng'a kalamu, rupo skul.

Ighishewut cho kotosisyoy; Kanya kwith monung'e chane kirurut choni.

C. Kesomono

- Tukun cho roko kenetuta.
- Kadin.
- Mlaa kadin.
- Kompyuten.
- Pichen.

Assessmen Choo rokono

- Kipimowonl cho kiroso monung wono somontoy.
- Ruprik.

Ighat nyopo tagh.

Ng'aracha monung kumwa tukun cho mi skul.

Kirchino ng'al plakpot tokusomon monung'o.

Mwochino monung kukirchi ng'alechini kitapunekwa.

Ighat 2

Ng'aracha monung kusowu kemwa sauntin. Korkeyin; **Papo, K- kuko, d-dong dond.**

D. Kira

Tukun cho roko kenetuta

- Kadin.
- mloto ng'al.
- kompyuten.
- Pichen.

Assessmen cho rokono

- Kiroy monung'o kikirut. Aku kul cho pichighoch lasiny akuto potpolio.
- Rubrik nyo kiroso monung cho muchoy kunyighitey ng'al cho mominye ompo ng'olyon nyo kogh.

Ighat 1

Ighatanu kungorochoy monung kumuch kukir kikirut cho karamach tomo kumuch kukirchu kitapunekwa ompo pensoltin.

Meros monung otino inetenyi kekir ng'al ompo yim.

Kanya nyu kukirchi kitapunekwa otino kisuwo kukir ompo yim.

Ighat 2

Ng'aracha monung'e kunyighit lasiny ng'alechino mominye.

Kwigh ng'alechu.

- Kalamu.
- Kukat.
- Kitapu.
- Konetin.

Ighat nyopo somok.

Kanya kumwa monung’o kunyil odeny ng’alechu akukirchu kitapunekwa otino kikunkutu kumwa.

- a) Kitapunyaan.
- b) Otung’on kalamu.
- c) Omitan koroy kukat.
- d) Kong’enyany Chepkomoy.

Ikany kukir monung’o nyo satat aku tilil.

MOTUT NYO WOW NYOPO SOMOK: OTOP NYO KARAM

Tounot

Ompo motete po ‘otop nyo karam’ somonoy monung’o ighut cho sisincho, kuweru sapstrantin cho le ang’wan. Korkeyin;

- a) Tera aimwagh.
- b) keng’alana.
- c) Kesomono.
- d) kekira.

Nyo wow kiponkonoy kinetutko ompo ghomcho monung cho le odeny ,somok,mut nko walaka kumi kung’orochoy konetin.

A. Tera aimwagh

Tukun cho rokono kenetuta.

- Mlaa kadin.
- Pich cho ngut ng’ale lasiny (Moteel).

Assessmen cho Rokono

Teput cho po kut *ompo korkeyin*; teput cho pkonoy lokoy cho kokisomon.

Ighat nyopo tagh

Somono lokoyon nyo otop nyo karam. Tepoy konetin monung teput cho kut cho pkonoy lokoyonto nini.

Ighat nyopo tagh.

Rekoduno onto ketupun lokoyon nyopo otop nyo poruu karamaa. Michino konetin kuoty monung kuter lokoyonto nini. Mwochini koetin monung kulim lokoyonto nini.

Poru nee: Ng’orchoy kusowu monung’o ng’ala dichitol.

B. Keng’alana

Tukun cho rokono kenetuta

- Lokoy.
- Diksyonari nyo po monung.
- Kitapu lokoy onto kikoron.
- Kompyuten.

Assessmen nyo Rokono

- Potpolio nyo kikirchini poyemtin onto pichen onto ng'al cho kakul ompo kikirut.
- Tepuut chopo kut ompo korkeyin, poyemtin.

Ighat 1

Ng'orochoi konetin monung kutum poyem nyo mi kitapunekwa. Tapa akwane kumwa lo ng'olonone poyem to nini .Ng'aracha akwane kusowu ng'al cho poruu otop nyo karam. Korkeyin;, konkoi, keriam, soro nyo wow, osomu nyi, mutyo. Kuporu tukwul wolo ng'orochoy monung ato tokwesoy pich.

Ighat 2

Tono monung kumusto le Ruto nko Cheruto. Kitapu monung pech 18. Ghomo tono nyi monung kumusto tomo toro netisyeno.

Poru nee; Poru lumtagh nyopo chi kegh nko kwich chii kusich otop nyo poruu ghomcho.

C. Kesomono

Tukun cho roko kenetuta

- Tumwoy cho po Pokot.
- Diksyonari nyo po monung.
- Kimustogh nyopo ng'al.

Assessmentin cho roko

- Cheklisti nyo poruu ng'alechino kikumuch monung.
- Toni konetin monung kisomonot nko ketum nyo woyokonoy kegh.

Ighat nyopo tagh

Ompo ighishewut ko chu kitoni monung odeny odeny.

Rosoy monung'o pichen cho mi kitapu monung pech 19. Mwochino monung kusomon akong'a akong'a. Kanya kusomon tukwul ng'ale chino mi kuti chi Tera kusomonoy achane lasiny.

Ighishewut chu ku ng'orochoy monung kucham kegh akwane.

Ighat 2

Tumchino achane tum nyo po Pokot nyo mwoghoy ng'ala otoput cho karamach.

Mwochino achane kutum tumini. Kirchini ng'ale plakpot. Mwochino achane kusomon aiporchu akwane kusomon lasiny. Ato otino mi ku tumoy tumini, porchino achane ng'al cho po otoputin cho mi ng'alechini.

Ighat 3

Ng'aracha monung kusowu ng'al cho mi otupo cho mi kitapu monung pech 20.

Mwochino akwane kuyar ng'ale chini kutor akumurto.

Ompo otino mi kuyoroy ng'alechini, poruu lo muchoy chane kuterta aku kwich ng'al.

C	h	i	n	y	i	t	a	k	a	t
	o	o	g	t	r	s	r	p	s	t
u	k	s	n	g	a	r	a	c	h	a
t	p	o	r	s	t	o	t	u	m	o
y	r	r	k	i	r	a	n	g	a	l
o	s	o	m	a	n	y	i	t	u	k

D. Kekira

Tukun cho rokono kenetuta

- Chatin cho mi ng'ala cho kikikirchu.

Assessmen cho rokono

- Tepuut chopo kuut cho kirosoo pkochin po monung ompo kekiir ng'al.
- Kipimewon nyo kiroso lo kipkochi kila monung kukir ng'al cho po oto nyo karam.

Ighat nyopo tagh.

Somomonchino monung kukiroy ng'alechu poro. Somono kila ng'olyon kunyul odeny. Iros lo kekir monung'e ng'ale lasiny.

- a) Soro.
- b) Ng'arachante.
- c) Kamwaghan lo mutyo.
- d) Ichinyi takat.
- e) Omuchan?

Ighat nyopo odeny.

Porchino monung kunyighita ng'al cho poru otop nyo karam otono mominye ng'ala.
Iporochu chane lasiny.

Ighat nyopo somok.

Porchino monung kukir ng'alechini ompo kitapunekwa.

MOTUT NYO WOW NYO PO ANG'WAN : TILILIN.

Tounot

Ompo motete po tililin, netoy kegh monung'o ng'ala tililyo kuweruno poyemtin, tumwoy ompo sapstrantin nko walaka.

- a) Tera aimwagh.
- a) Kesomono.
- b) Keng'alana.
- c) Kekira.

Satat tomo kenetisyo nko kesomon

Yara tukuchono rokono kenetuta lowur ompo motete. Aipankan otino kisomonoy. Onto kisomonoy klastin, iporu. Ompo monechay le kasinkwalak, yorchino cho rokono kusomon. Yigha assesmentin cho ghomoy akwane.

A. Tera aimwagh

Tukun chorokono kenetisyegho

- Tuku chane- kichonuwo, kamsitianta kelaat, mwaghpa kelat, kitampaya tung'on, sitowonto kwegh.
- Kichoronut cho poruu ortun cho po tililin po chi kegh.
- Kadin cho po ng'al cho kikenetuta.

Ighat nyopo tagh: Tumo tumu.(mi tumto kitapu monung pech 22).

Ngaracha monung kutum tum nyomi kitapung'waa.

- Tumchino ompo ng'alyap nyo karam.
- Tumoy akwighoy ighishewut cho po tumini.
- Ng'aracha kurekodun tumwoyikwa onto ketepun, puschino kuter ng'at atoku ng'orokchu
- Petoy monung'o tumchini yiyikwa tukul ompo kaw.
- Muchoy monung'o kutumchu kong'otikwa ng'ala tililin ompo kestonikwa.
- Ng'orokoy kusowu ng'alaa dichitol.

Ighat nyopo odeny

Somonchino monung poyemtin. (mi kitapu monung pech 22-23)

Tumo poyem nyopo ighisyewut nyo po tililin po chi kegh.

Stansa nyo po tagh, kuporchini mompo kopo akong'a kugh nyo ighoy to mi kaw. korkeyin; Wunoy konyin, sitoy kelat, chonuwonoy putechi, sutoy kweghyontenyi.

Stansa nyo po odeny, kuporu tililyo nyo rokono ompo skol. Korkeyin: kiwunoto morun tokupkana kopo konyit, Kiwunoy morun tomo keyomisyo, rung'o tung'on kitampaya, kiwunoto suroo,

Somono poyemtin kung'at, aing'arach monung kumolyong'u teput cho mi kitapunekwa ompo ghomcho nko klasta lo wur. Molyong'o monung'o teput chopkono tililyo ompo skol nko kaw. Korkeyun;

Kiwunoto konyun.

Kisutata kelat.

Kichonuwonoto put.

Kiwunoto kopo konyit.

Muchoy kumolyong'u ompo ng'olyon akong'a nko ng'olyon nyo kogh.

Ghomoy kutopusyo monung'o ng'echer ko kwaa aku ter la siny. Mo ghomonye kuwesto otino kisomonoy poyemtin, atakulum ng'olyonte. Rumu lo kalum monung ng'olyonte otino komolyong'u nyoman.

Ighat nyo po somok.

Ng'aracha monung kumusto ighisyewut cho mi kitapunekwa ompo ng'al cho ko kituyo koghochitu. (sentens).

Otino mi kumustoy ighisyewut, ku mii kulimoy kumwoghoy ng'ale chino koghoch le otino imwoghenyi tukwul. (sentens).

1. Omitan Ochonuwonoy putechu.
2. Omitan owunoy konyichuu.
3. Omitan owunoy kitamabaye nyu.
4. Omitan okoroy kutinyan otorolan.

Kituro ighat nyo po ghomcho, ake wang'a chi akong'a akong'a ompo wolo mochoy ketech ng'olana nyo karam to kuporu ko kompetens nyo po kesomon to kesuwu nko lumtagh.

Assessment

Igha cheklist nyo po ng'al chakikusomon monung'o. Korkeyin;

kayin			kirosat/koment
	Owoy	ewo	
Cheruto	Tik	x	
Ptoo			

B. Keng'alana

Tukun cho rokono kenetuta.

Tuku chane; kichonuwo, kapsityanta kelat, mwaypa kelat, sitowonto kwegh, sapunion, kitamapaya tung'on

Tum nyo po tilililyo chi kegh nko tililin.

Pichen cho poru tililyo nyo po chi kegh.

Kadin chopo ng'al cha kikesomon.

Ng'aracha monung kulum ng'ale chono kakumwa ompo kut nyo ng'ang'at. Kanya kulim ng'at.

Kanya kusomon ng'ale akuporu picheni ighisyewut chini akunama mot.

Ighat nyo po odeny

Neta monung tumwoy weno wetutoy tumto. Kanya kulim lim monug'e tumto tokunama mot. Kanya kutum akwighoy ighisyewut ko ng'al. Lia tumto ng'at ompo ighisyewut ko walaka cho po tililin po chi kegh. Korkeyin; kichonuwonot, kuwunoto morun, kwaghata samu.

Kanya kutum chane le klasta lowur otino kikutum akulim ng'at.

Tono chi akong'a akong'a kutum aimitenyi assesunoy lo kinama mot.

Ng'orokoy monung kutech ko kompetens nyo po lumtagh otino kotum akunama mot.

Ng'rochoy nyoni monung kumuch kung'alan le otino rokono.

C. Kesomono

Tukun cho rokono kenetuta

Chane tukuu; kichonuwo, kapsitianta kelat, mwaghpa kelat, sitowonto kwegh, kitamapaya tung'on.

Pichen cho poru ighisyewut cho po tililin po chi kegh.

Chatin cho kikikirchu lokoy cho tong'oghoch.

Ighat nyo po tagh.

Ng'aracha monung kung'alana pichen tokutek ng'alana ompo klas akwigh monung kusowu kusomon tomo konetin. Otino kang'alana monung'o tililun nyo po chi kegh, akusuwa kichoronut cho po tililun, kutek chane kusowu wolo ripto kegh.

Ighat nyo po odeny; Somono lokoy.

Ng'aracha monung kusomon lokoy cho mi kitapung'wa aito teput cho le somok cho pkono lokoyonto nini.

Ng'aracha chane kuwoyoku teput cho le somok ompo kut nko kikirut tukwul kirupata kegh nko ng'lyontonai kakisomon. Roko teputko ku assassin pkochin nko suwuyagh nyo po kerot.

Ortun cho kiassessuntoy

- Teput cho kikiroy.
- Teput cho kwis kwisech cho po kut.
- Ightena assessment ruprik tesuwena lo kosowu monung'o ng'alechini.
- Kekira
- Tukun cho rokono kenetuta;
- Tuku chane;
- Kichonuwo, kapsitianta kelat, mwaghpa kelat, misowonto kweghyon, kitamapaya tung'on.
- Pichen cho poru tililin nyo po chi kegh.
- Rankin.

Ighat nyopo tagh

Ng'aracha monung kukir sentsensin cho tong'oghoch poru wono kido tukuchino kakito.(kitapu monung pech 23)

Kanya tupu monung'o ompo ghomcho akung'alana ighisyewut cho po tukuchu;

- a) Wunonan kegh sapuni.
- b) Ochonuwonenan pute chan kichonuwo.
- c) Owunenan morichan pogh.

d) Omutenan sighoy ko chan rotwo sighoy.

Ighat nyo po somok.

Ng'aracha monung kukir nga'al ompo kitapunekwa. Muchoy kukirchu kompyuten ng'alechini. Teko nyete kingutunot nyopo dichitol.

Assessment

Ng'aracha monung kukir otino mi kusomonoy sentensi nechini.

Ng'aracha monung kunyighit nga'al cho mominye ompo kitapu monung pech 30.

MOTUT NYO WOW NYO PO MUT: OSIS NKO OROO

Tounot

- Ng'al cho mi yete ng'olono osis nko oroo . Ng'orokoy kunyuru monung'o chireryo nyo po; Keter, keng'alan, kesomon nko kekir.
- Terat kung'orokoy monung molyong'u ng'olyon nyo kumwochini nyo po osis akusowu ng'al chopo oroo.
- Ng'alanat kung'rochoy monung ng'alan nyo mo minye kuchoto akumwa ng'alechini le nyini.
- Kesomon ng'orochoy monung kumolyong'u nyo kwis kwis teput cho po osis nko oroo.
- Kekir ng'orochoy monung kukir sentensi cho kwis kwis cho ng'olono osis.

Satat tomo kenet akesomon.

Cheng'uno tukun cho kinetutoy aisat kegh le wono mochttoy. Igha kugh nyo poru lo kegh monun'go lo nee.

A. Tera aimwagh

Tukun cho Rokono

- Kitapu monung.
- Satun.
- Chatin cho poru osis cho po wuki.
- Chatin cho poruu oroo.

Ighat nyo tagh; Igha le nyino mwoghoy konetin.

- Mwochino monung kumwa lenyu mwoghenyi aiter ng'al cho po satun lo kamwa lasiny. Korkeyin; tyang'o, tokwogho, monun, nang'at, akong'a asis.
- Mwochino monung kukir ng'al cho kenetkegh ompo kitapunekwaa.
- Ng'alanat nko keghata ng'al akong'a tomi monung'o kusomonoy ompo ghomcho.
- Rumu konyit tomi monung'o kunetoy kegh ompo ghomcho.

Ighat nyo po odeny; Ruptena konetin otino tumoy

- Ng'aracha monung kutum tum aitumchuu le wono mwoytoy ompo kitapung'wa. Sowuno lo to wopta nyo po odeny nyo po tum ghomoy kung'itonchu. Oti kong'itonchu monung ighoy monung lumta kegh.
- Mwochino monung kupa kutum nko yiyi kwaa ompo kaw ompo wolo ng'orochoy nyoni yiyu kungutu kiyino ighoy monung'o ompo skul.

Rosaa kitapu monung pech 33.

Assessment

Kira teput po kut aitep monung aiter molyonguti kokwaa.

Obsapesyon skedyul.

Chorana kugh nyo poruu lo kegh lo nee monung'o. Korkeyin; kepa kiwancha, saatin cho po piroo.

B. Keng'alana

Tukun cho rokono kenetuta.

- Saa nyo po niyat.
- Picheni osis nko oroo.
- Chatin cho poruu ng'al cho po osis nko konyiis.
- Kadin cho poruu ng'ala osis nko konyiis.
- Poyemtin cho po konyiis.

Ighat nyo po tagh

Nga'racha monung kutum tum nyo mi kitapung'waa aiporchu wono choghtoy tumto aimwochu kulim ng'at.

Ighat nyo po odeny

Mwochino monung kung'alana lo nee nyo mitoni pichen nko ighisyewut cho mi keghoy ompo kony (pech 34). Tapa lo;

- a) Suwuyenyi nee?
 - b) Mikwighoy nee pich ompo oroyo chonii?
- Mwochino akwane kumwowu ompo orr aiter wono mwoytoy.
 - Atomi monung'o cho nyokoroch chama chane tokutiam aing'arach akwane

tokumolyong'u lasiny.

- Netoy kegh monung'o keter, keng'alan, keporu nko molyong'unot ompo ighisyewut. Poru monug'o ng'alanat nko kegha ng'al akong'o tomi molyong'u lo suwini nee ompo pichen.
- Kesomon to kesowu kung'orochoy monung kwich sentenstin otino rosoy aku ng'alana pichen
- Pohisyo nete kutekoy monung kung'alan nyo karam. (PCI)

Ighat nyo po somok

- Ng'aracha tumchino monung poyem nyo po peng'at nko komoy.
- Somono poyem lowur lim ng'at tokusowu monung'o ato rupto nenyi.
- Ng'aracha kutum monung'o poyem le klas, odeny odeny nko akong'a akong'a.
- Ompo monung cho le lokukutin, igha mut aito akwane poroyun nyo wonyoy ompo owesye ng'waa. Ompo monung cho chureroch, tono akwane kuto motowoyikwaa poyem noni nyo mitoni chat.
- Sowu monung tumot nko keng'alana lasiiny.
- Lumtagh kesuwuyii ato tumoy monung'o le klas, odeny odeny nko akong'a akong'a.

Assessment

- Keros wono ightoy monung'o.
- Kira kainotut po monung nko ighisyewut po monung aito wolo poruu wolo tumtoy, wolo mwoytoy nko wolo konamta ng'al.

Kainat	Ketum	Kemwa
Cheptoo	tik	tik
Ktum	tik	x

C. Kesomono

Tukun cho roko kenetuta

- Picheni Saatun cho po osis; peng'at nko komoy.
- Chatin cho mi ng'ala cho po osis nko oroo.
- Mloto Kadin.
- Kadin.
- Kitapun.

Ighat nyo po tagh; Cheng'a ng'olyon aisomon.

- Mwochino monung kucheng ng'al cho mi mlot akumwa ng'alechini po osis nko oroo.
- Muchoy kusomonoy ompo ghomcho, le klas onto akong'a akong'a. Ng'orochoy nyoni ng'alanat nko keghta ng'al akong'a.
- Kesomon ompo ghomcho tekoy chomyogh.

Ighat nyopo odeny; Somono Ng'alechu

- Ng'aracha monung kusomon ompo ghomcho aito akong'a akong'a aiross lo kesomon lasiny.

- Roosa lo kesomon akunkutu. Tesowuno lo kenkutu, tepa lo;
- Kuruyot oyu?
- Petoy skul oyu?
- Petoy kemunyoy oyu?
- Oyu atoo kiloy pagh?
- Kesomon to kesowu, kurumu otino kisomonoy ng'al ompo ghomcho
To PCI cho po ng'alanat lasiny nko kelumta kegh, kesuwuyegho monung to somonoy
ng'al akumolyong'u.

Ighat Nyo po somok; Kesomon Lokoy

Ng'aracha monung ng'alana pichen cho mi kitapunekwa takung'arach kusomon tomo kerolto kesomon. Ing'arach monung kusomon lokoyonto nini tong'ogh, akukir kir akeporuno nuyat. Somoy monung'o akumolyong'u ompo kut akukir ng'al cho nyoruu.

Assessment

- Kekir teput cho kikiroy nko cho po kut.
- Yara teput takwigh akumolyong'u monung'o atino kesomon lokoyon.

D. Kekira

Tukun cho rokono

- Nyukuten cho komuut ompo alpapetin.
- Pensoltin.
- Kitapuna monung.
- Ng'al cho kokirekodun.
- Tuku chane.
- kichoronut cho po osis nko oroo; -peng,at nko komoy.

- Kompyuten.
- Ng'cheer.

Ighat nyo po tagh

Kira sountin na ng'al cho po osis nko oroo.

.Odeny kasu.

. Somok kasu.

.Pokwokwo.

- Ng'aracha monung'e kumwowu lo nee nyu suwuyii.
- Ghomono teputko cho suwuyi kutong'oghochituu.
- Ng'aracha monung ketuyo nyukuten cho po alpapetin takukir ng'al cho po osis nko oroo-peng, at, tokwogho, pokokwo.
-
- Ato ighanyi le nyoni, kung'ochoy kwigha nyukuten cho chomyo taluku ng'al. Korkeyin; p-e-n-g''-a-t.
- Mwochinoakwane kwigh ompo ghomcho akwigh akong'a akong'a.
- Kegh ng'al ompo ghomcho kutekoy ghomcho.

Ighat po odeny

Mwochino monung kwigh ng'al cho po osis, cho po wuki, oroo nko konyiis kupuryo kutep chi anka anto kong'enyi.

Tono ng'al cho po osis, oroo, nko konyis cho tomo nye kenyughit;

Akong'a kasu	nang'at	muu	Tokwogho
--------------	---------	-----	----------

1. Ng'etyochaa Tokwogho.
2. Muu ku arawa nyopo tagh ompo kony.
3. Akong'a kasu ki asis nyo po tagh nyo po wiki.

4. Chuloy yonyaana paan nang'at.
 - Mwochino kusomon akulim ng'at kusomon ngale chino kenyughit.
 - Mwochino monung kusomon akukir ompo kikirut cho pichighoch.
 - Neta monung cho le kasinkwalak akong'a akong'a sing'arach wolo kightoy ng'al.
 - Ompo monung cho chureroch, toschino ng'al walaka cho po osis nko oroo.
 - Otu mi kwichoy teput akumolyong'u, ku mii kutekoy kighanat.

Ighat nyo po somok. Kekira

Nonuno ng'al cho kikesomon ompo motete. Sowuno lo kimi tuku lowur cho kinetutoy nko cho kikirtoy. Nonchino akwane kuteer lasiiny. Somonchino monung kukir sentenstin cho le mut. Somono ompo kuut nyo ng'ang'at ailim ompo kuut nyopo ng'wuny.

1. Akong'a kasu, ku asis nyo po tagh ompo wikii.
2. Odeny kasu, ku asis nyo po odeny ompo wiki.
3. Chuloy yonyaana pan nang'at.
4. Petechaa skul tokwogho.
5. Semporechaa par peng'at.

Porchino ng'alechini yiyiku ompo kaw.

Assessment

- Mwochino konetin monung kulut ng'alekwaa potpolio takuror aku mi konetinto kurosoy kegh lasiny.

LIST OF CONTRIBUTORS

Prof. Elishiba Kimani	Chair person KICD
Jacqueline Onyango	KICD, OGW
Eunice Gachoka	KICD
Winrose Rono	KICD
Jonathan maranya	KICD
Anthony Maina Mbutu	KICD
Millicent Koga	KICD
Micheal Muriuki	KICD
Phili Pkorir Puyaka	
Mrs. Josephine Kamision Kalmasa	
Richard Yaraki	